

漫  
堂  
年  
譜

卷三

丁溪草堰朦朧各海口。遍行查勘。公議將淤淺處所。會題請濬。時請賑之疏。未有部覆。災民嗷待。余即分撥銀米。先行委官給發。於看河之際。就便督賑。十月三十六年。蘇松等處漕糧米色不純。部議罰俸一年。奉

旨。宋肇從寬免罰俸。

五十八年己卯

余六十六歲。正月奏銷三十二年。降罰俸銀。未完。部議罰俸一年。奉

旨。宋肇從寬免罰俸。

皇上以淮揚河決地方屢被灾傷親臨閱視犖於  
二十一日發棹吳門。二月二十五日會同督  
提學院鹽院總兵諸臣於山東臺兒莊地方跪  
迎。

聖駕。

上張蓋坐船首遙問云第三員為誰。臣犖奏云臣  
江寧巡撫宋犖。是日。

駐蹕黃林莊鴻臚寺率諸臣於

行宮前行禮。二十七日辰刻。

御舟泊劉老礮。

上乘馬閱歸仁堤太監李玉傳

中督撫隨

駕時督臣張鵬翮抱微恙臣肇遵

旨隨行

止於馬上顧臣肇云宋肇多少年紀臣奏云臣年  
六十有六

上微笑云健甚途次侍衛馬武傳

旨問巡撫齒好麼眼好麼臣奏云俱好燈下看文  
書要用眼鏡又問服甚藥臣奏云臣所服不過  
尋常藥餌因幼年多病中年以來時時謹飭是

以年佬畧可支持少頃又

問巡撫可將家世奏來爾父大學士及爾幼年侍  
衛一段業已知之不必奏臣奏云臣祖沾以明  
萬曆朝舉人為山東福山令有惠政伯曾祖縉  
嘉靖朝進士萬曆朝官至吏部尚書謚莊敏明  
史有列傳此後官郎署者尚有人臣惟凜遵家  
訓不敢負

朝廷不敢負先世時提督張雲翼扈

駕與臣聯轡而行侍衛海青傳

旨問提督三江入海是那三江提臣未及對臣肇

云三江為黃浦江吳淞江婁江。今婁江湮沒無傳。所傳者黃浦吳淞二江耳。又

問何謂三泖。臣奏云。謂上泖中泖下泖也。又

問有山否。臣奏云。其地有九峯。所謂三泖九峯也。峯為明處士陳繼儒故居。彼時頗多亭榭。今已蕩然矣。海青覆

旨。少頃回云。

皇上說巡撫奏的是與昔日王鴻緒所奏同。又

問御舟可至松江否。臣奏云。自蘇至松江路淺阻。泖湖又風浪可虞。臣雖未至聞之頗確。申刻至歸

仁堤侍衛馬武於馬上傳

臣說巡撫曾閱過黃河幾次此堤曾到否臣奏云  
臣曾同吏部尚書熊賜履督臣傅臘塔安徽撫  
臣江有良查過堤壓河占地畝非查河也前歲  
同督臣范承勲漕臣桑格河臣董安國安徽撫  
臣陳汝器查勘河臣所題應修各工至估計錢  
糧係河臣自行題准臣原未沿河遍查少頃又傳  
旨巡撫是有年紀的人又是有名望的人家有何  
治河善策即刻與中堂會議覆

旨臣隨向中堂云河道關國計民生最為重大必

歷任河工之員將全河數千里情形了然於胸  
中方可從長畫策即恩恩看過兩三次恐亦未  
能洞悉况原未嘗遍歷人臣貴乎無欺臣實不  
敢妄對中堂云巡撫所奏與我們所見同隨覆

旨訖 二十八日

駐蹕清河縣西刻

皇太后御舟自北來

皇上親迎教里文官督撫以下武官將軍提督以  
下於河干跪迎請

皇太后安隨蒙



皇太后賜問爾等好麼。○三月初一日卯刻

上奉

皇太后渡河泊清口。大風雨。

上乘馬幸高家堰。臣肇與諸大臣扈從至關王廟。少憩。

上命河臣于成龍。漕臣桑格。府尹臣徐廷璽。臣肇跪

御座西。大學士尚書侍郎諸臣跪。

御座東。出河圖指示諸臣。諭云。河道關係重大。朕親臨閱視。拯救民生。爾等有何善策。諸臣奏云。皇上自有睿裁。臣等恭候。

聖訓

上云治河一事朕籌之最久。昨想有一法說與于成龍成龍甚喜。今與爾等說知。大要以先治上河。引水刷沙為主。反覆指示明晰。諸臣皆歎服。聖謨奇偉。臣等奏云。此法奇而正。上與神禹相合。所謂行所無事也。

上又云。昔直隸巡撫沈朝聘因百姓被灾對之而泣。朕謂爾不思所以拯救。徒泣何益。今與爾等商議。正欲拯救百姓耳。諭畢。

上為欣然。薄暮還。

御舟 初八日

駐蹕揚州 賜臣鵬翔臣榮

御膳六簋 早四日

駐蹕蘇州織造衙門 臣榮恭進書畫數種蒙收六種 臣榮啟奏 臣風仰慕

御書因遠違 闕廷未蒙

惠賜今幸覲

天顏敢冒昧陳懇移時 頒出

御書仁惠誠民四字云 叫巡撫看好麼 臣跪瞻之

下見

夫章煥爛雲漢昭回晉人風韻唐宋體格兼備真  
集書法大成爲從古帝王所不及但此四字臣  
不敢當又傳

諭明日另書綾上用一寶賜爾臣隨叩謝出  
六日侍衛馬武海青五十太監李玉捧出綾書  
仁惠誠民四字

御書天馬賦一卷

御筆臨米芾書一幅

淵鑒齋法帖十冊

御製耕織圖一冊

嬪

御書懷抱清朗四字云荷做爾書房過又涼  
帽一頂上綴大東珠一顆石藍龍緞狐腋  
裘一件元青緞貂褂一件石青緞羊皮暖  
靴一雙

此諭俱係朕躬現著今解賜與爾又口賜鹿  
肉乾八束糟鹿尾六個糟鹿舌六個糟野  
雞一隻糟家雞一隻關東羊二羣奶子酒  
一瓶太監梁九功又捧出竹柄白面詩扇  
一把

諭云此係朕征厄魯特時在口外作的詩與

巡撫者。即賜與文。

諭云。爾做官好。故此賜爾。臣隨行三跪九叩  
禮謝。

恩。伏念臣起家門廕。由侍衛外補黃州府  
通判。歷任理藩院院判。刑部員外郎。中  
陞任通永道僉事。僅僅循分奉職。未有  
寸長。蒙

皇上破格陞授山東按察使。甫五月。陞授江  
蘇布政使。未及五月。

特簡江西巡撫。蒞任四載。調補江寧巡撫。不

過潔已率屬安靜守拙今蒙

皇上曠代洪恩。頻賜多種。不但感激涕零。亦且媿慙汗下。臣子孫衆多。異日分給世守。永戴

皇恩。臣惟有祇遵

聖訓。始終一節。以報高厚於萬一而已。

十九日太監李玉傳

昔巡撫寫的字。及平日詩文。取來看。臣啓奏。臣幼年頗習字。中年以來。簿書執掌。草草批判。竟不成字。偶作署書。及一二牋牘。皆

臣子代之。至文章一道。臣不敢言。獨聲律之學。稍稍津逮。見有刻本。蒙

恩宣索。不敢冒昧進呈。容繕錄另日覆

旨。隨傳

甘肅子幾人。寫字者是。何名。行幾年。若子曾做官否。臣奏。臣子六人。見存者三。寫字者係次子。至年四十四。丙子科順天副榜貢士。又傳

甘肅刻本詩。可即進來。不必繕錄。隨以臣所撰綿津詩集二十二卷。恭進訖。口二十日



御舟過平望奏事存住傳

旨命江南江西總督臣張鵬翮江寧巡撫臣宋聲登舟

上諭朕此番巡幸見江南氣象蕭索比前此不同何故臣鵬翮奏云連日陰雨百姓多著舊衣似不甚美觀其實地方情實與前不甚相遠又謝云去歲吳中大熟米價何以不賤臣聲奏云吳中為江海通津往來糴糴者絡繹不絕從來米價不大貴亦不大賤又謝云邇來此中

吏治與前不同。當年巡撫韓世琦那樣貪婪。今日巡撫宋學如此聲名。彼此相去遠甚。臣聲奏云。臣至愚極陋。莖仕之初。想望一方面而不可得。安知有今日。今蒙我

皇上千載殊知。屢

賜褒獎。臣非草木。敢不益加黽勉。臣到任以來。將種種弊政漸次革除。如松江漕糧從前地方官紳士民刻有公議。幫貼一書。其實公議即私弊也。臣嚴行禁革。焚其書。此後當不致復踵前弊。

臣鵬翮奏云臣到任即與撫臣嚴飭地方官第一嚴禁火耗或加至五六分者臣等即行題叅久之當有成效又諭云朕聞明季吳中富庶與今不同臣鵬翮奏云臣生也晚聞諸故老皆云明季太監魏忠賢亂政殺害忠良緹騎四出當周順昌被拏之日有五人以義憤毆死校尉致罹慘禍今山塘五人之墓是也彼時民不聊生豈今

聖世之比又諭云吳人每日五餐得毋以口腹廢事臣等奏云此習俗使然

上笑云此事恐爾等亦未能勸化也臣鵬翮等奏  
云地方有三事臣等啟奏請

旨

上云說來隨奏云恭遇我

皇上南巡蠲免江南康熙三十四五六年積欠錢  
糧軫念淮揚被灾州縣截留漕糧二十萬石平  
糶積貯加惠民生萬姓歡呼感戴

皇上浩蕩之恩查有康熙三十七年淮揚被灾海  
州高郵等九州縣淮大二衛經前任督臣范承  
勲同撫臣宋犛等會題戶部議覆照例免十

分之三尚有七分未免災民拖欠地丁漕項等銀十九萬兩零漕糧米麥等項共十一萬石零事關錢糧臣等未敢請免伏望

聖恩分年帶徵以紓民力奉

旨俱著免了說與大學士又奏稱蘓州一郡為江南財賦重地事務殷繁知府缺員伏乞

皇上選擇賢能之員補授庶於地方有裨奉

旨爾等將好官舉來欽此該臣等保舉江寧同知丁易松江同知石文燁徐州知州孔毓珣此三員俱係好官伏候

皇上欽定一員

上云何人在此臣等奏云石文焯在此奉

旨著將石文焯補授又奏稱蘓松糧道所管錢糧漕米甚多係緊要之缺今糧道劉殿邦係新任布政使劉殿衡之兄例應迴避查有兩淮運使劉德芳做人老成操守謹飭才堪任使雖陞陝西糧道但陝西錢糧少蘓松錢糧多更屬緊要伏乞

皇上將劉德芳補授蘓松糧道庶人地相宜奉旨著將劉德芳補授蘓松糧道俱說與大學士傳

目補授見有于成龍啟奏補授兩淮運使之例此  
後不為例臣聲奏云江南州縣原有調繁調簡  
之例但原定繁簡地方今昔異宜如吳江宜興  
當年錢糧多不能完近以全完議叙長洲首縣  
賦重難完竟以地簡目之似當另行酌定以便  
題調

上云有治人無治法如爾等題來朕無不信心處  
正無庸改例也臣等奏云江南臬司趙世顯才  
幹優長此番効力頗多

上云誠然臣等又奏云江南為財賦重地以後藩

司缺出望

皇上將彭鵬補授

首肯是日

天顏和霽垂問殷懃俾臣等下情一一詳奏誠為  
非常榮幸 口二十七日

駐蹕杭州織造衙門中堂掌院諸臣傳述昨晚奏  
事畢

上評論各官云如大學士吳興總督張鵬翮巡撫  
宋箴三人做官朕可以無憂 口三十五年漕項  
錢糧未完部議罰俸三個月奉



日宋肇從寬免罰俸 四月初三日

駕回蘄

幸華山

御舟至高板橋進膳臣鵬翮臣肇同漕臣桑格侍  
岸上蒙賜 御饌四簋內鮮茄一種又 賜臣  
鵬翮湯麪一碗云此麪甚淡然而有味爾以為  
何如臣鵬翮奏云誠如

上諭又 賜臣肇蒸麪點心一盤云此係北方麥  
味較勝臣肇拜賜後遂與諸臣分嘗共飫

夫恩 初四日

似揆為是

上幸洞庭命臣犖隨

駕各官免扈從午刻舟抵東山

上乘竹輿至席氏園林茶罷還舟觀者擁道

上命槩不必迴避時侍衛海青傳臣犖至

御前接叩閭狀於稠人中踉蹌而前帽為之墮海

青向衆云此老巡撫也爾等須讓道勿攔擠

上望見為之一笑口初六日

回鑾於望亭

駐蹕賜扈從大臣櫻桃臣犖分噉三顆口五月

初一日於江南境上送

駕歸署具奏謝口恩謨迎

鑒日紀恭製

御書匾額分懸官廨里第將各種

御書摹勒上石奉歸家中恭建

御書樓俾子孫永寶用昭

恩遇焉有記 六月淮揚二屬清河桃源高郵江

都寶應五州縣自春徂夏淮泗水溢上河初涸

地畝盡付波臣下河低窪之區積水未消難施

播種疏請照例蠲銀一千一百七十餘兩復請

動存貯截畱漕米四萬石減價平糶口閏七月

奉 旨駐劄淮揚設法賑恤余隨自蘓起行倡  
捐米二千石又於原籍河南運捐小麥秋糧三  
千石再咨行各部院權關司道府共勸捐米麥  
秋糧八萬五千四百石銀二百兩親行督賑比  
時高郵泰州江都興化四州縣湖河水溢堤岸  
漲坍處所房屋漂沒下河田禾廬舍俱沉水底  
海州邳州山陽清河桃源宿遷睢寧沐陽安東  
鹽城寶應徐州沛縣蕭縣碭山等十五州縣并  
大河揚州徐州三衛入秋以來連遭靈雨山水  
驟發兼之高郵邵伯以及安東楊家馬頭睢寧

王家堂等處河堤漫缺狂瀾奔瀉淹沒田廬秋  
成無望並請蠲賑蒙 聖恩軫念淮揚疊罹災  
荒先諭江西巡撫捐米十萬石運送湊賑  
先後共賑過饑民六十五萬一千八百八口又坍房  
灾民一百七十九戶共用銀二百兩米小麥二  
十二萬二千三百五十餘石大麥秋糧穀六千  
九百八十餘石照例蠲銀三萬六千八百七十  
餘兩其高郵泰州江都興化寶應五州縣并大  
河衛本年地丁漕糧漕項先奉 上諭全免惟  
雜辦項下場地衛學田租銀兩部覆仍應徵解

因各州縣場衛學田夏秋兩灾疏請破格全蠲  
銀七百一十餘兩奉 特旨俞允余有賑饑  
示官吏詩

附勸捐賑濟疏畧 淮揚二屬今歲春夏淮泗泛

溢淹沒民田經臣會 題欽奉 特旨命臣前

往淮揚駐劄秋成以前設法賑恤臣即自蘇起

行惟念淮揚地方疊被灾荒頻年發賑本處之

倉廩久已空虛鄰郡之積儲撥協殆盡計惟勸

捐一法可以立濟應用臣隨倡捐米二千石再

於臣原籍河南運捐小麥秋糧三千石並移行

院司道府。共為捐助。臣查今歲原報夏災之清  
桃高江寶五州縣內。如清河桃源二縣。吳城陸  
城二鄉災田。就一隅而論。雖被災十分。若以通  
縣額田計算被災田地。止有十分之一二。為數  
無多。已就近酌撥積貯麥石。委員查明真正乏  
食飢民散賑外。惟高郵寶應與江都縣之邵伯  
鄉一帶。歷年以來。俱被十分重災。而泰州興化  
縣二處。同係下河地方。節年皆遭淹沒。今又以  
秋禾被淹具報。已將被災情形。及應一并賑濟  
緣由。另疏題報。此五州縣者。飢民衆多。目下

見奉 恩旨將截留漕糧減價平糶以濟民食  
臣又接閱邸抄欽奉 上諭諭江西撫臣馬如  
龍將捐輸米十萬石運赴淮揚仰見 皇上飢  
溺為懷酌盈劑虛從此淮揚百萬生靈可無飢  
餒之虞矣茲臣先就各官并鹽商見在所捐米  
麥秋糧七萬一千石分委府廳等官運赴高泰  
江興寶五州縣查明真正乏食飢民先行發賑  
其餘仍俟院司道府未捐各官陸續捐送接濟  
再疏具 題臣分撥已定即自揚由邵伯前往  
高郵寶應等處督賑途次但見飢民扶老携幼



感頌 皇仁。歡聲雷動。臣又宣布 聖恩。諄切  
告諭。令其靜候。極恤。其有年力強壯者。仍令前  
往河工。力作謀食。務使餬口有資。不致流離失  
所。再查淮徐等處。亦報秋禾被水。然與下河壘  
被災荒地。方有間。見在委員確勘。俟勘覆至日。  
分別被災輕重。酌將江西運到捐輸米石。另請  
分發給賑。俾災黎均霑 聖澤。

請全蠲場地衛學田租銀疏畧 揚屬高郵泰  
州江都興化四州縣。今歲湖河水溢。堤岸漲坍。  
田禾被淹。經臣會 題。行據布政使詳稱。水淹

十分。民屯災田。康熙三十八年應徵錢糧。先奉  
特恩蠲免外。惟雜辦等銀。仍應徵解。所有被災  
十分草場衛學田地一百八十四頃二畝零。額  
徵銀七百一十一兩五錢零。內本年先被夏災  
地畝蠲免十分之三銀九十五兩三錢零。今秋  
災應蠲銀一百一十八兩零。尚該銀四百九十  
八兩零。請照例全蠲等情。臣查高江興三州縣  
場學衛地。原與民田壤地相錯。歷年同被災傷。  
今各該屬康熙三十八年地丁漕糧。已奉 聖  
恩全免。惟因雜辦等銀。部覆未允並蠲。茲前項

田地。本年又被十分重災。見奉 特旨。命臣駐劄淮揚賑恤。災黎方藉賑延生。安能輸納租賦。據請照額全蠲。相應據詳具 題。

又請賑疏畧。淮揚等屬。今歲清河桃源高郵寶應江都五州縣。先被夏災。經臣 題報。奉 旨。

命臣駐劄淮揚。秋成以前設法賑恤。臣欽遵星赴淮揚倡捐發賑。比因泰州興化縣疊罹重災。今秋田廬又被滄沒。與高寶等處困苦相同。復經會疏 題明。一并賑恤。今海州邳州山陽宿遷睢寧沐陽安東鹽城徐州沛縣蕭縣碭山等

十二州縣。并大河揚州徐州三衛。秋禾亦遭淹沒。被災軍民。轉瞬嚴冬。飢寒交迫。相應題請一體賑濟三個月。至高郵泰州江都興化寶應五州縣。雖已給過三個月口糧。入冬之後尚虞乏食。再清河桃源二縣。前止就夏災之吳城陸城兩鄉發賑。今二縣各鄉田地。皆被水淹。亦須拯恤。仰請皇上浩蕩洪恩。再賜給賑三個月。庶被災軍民。可無凍餒之虞。至所需賑糧。江西撫臣馬如龍欽遵上諭。將捐輸米十萬石。已委員陸續運到。再臣倡捐並先後勅輸銀米來。

樓上室一稿寫

糧共八萬九千有零。除前此給賑之外。尚有餘  
剩。合并動用。如再不敷。仍通查江蘇等屬積收  
捐積米穀。一并湊濟。俾災黎均霑實惠。以仰副  
我 皇上愛養元元至意。

口請蠲江蘇等屬三十六年以前積欠漕項。

附疏畧 康熙三十八年。恭遇 聖駕南巡。軫念

江南額賦浩繁。特奉 恩綸。江蘇等屬舊欠帶  
徵錢糧。除康熙三十三年恩詔內已經赦免外。  
其三十四五六年未完民欠。一應地丁錢糧米  
麥豆雜稅俱著免徵。等因。欽此。臣隨飭行司道

遵照。并出示通行曉諭。務使小民均霑。聖澤  
去後。續據各府州縣衙申詳。欽奉。上諭內。未  
有漕項並蠲字樣。據軍民呈詞紛紛詳請照例  
題蠲。又經批飭該司道查議通詳。茲據布政使  
會同江蘇二糧道詳稱。漕項錢糧。原係丁田出  
辦。與地丁一條編徵。從前與地丁一并蠲免。歷  
有成例。即如康熙三十四年十二月十七日。欽  
奉。恩詔。蠲免三十三年以前積欠銀米。因  
恩詔內亦無漕項並蠲字樣。經總漕臣秉格會  
疏具。題。欽奉。特旨。這漕項歷年積欠及帶

接上堂一林寫

徵未完銀米。着照該督等所題豁免等因。欽遵  
豁免在案。今歲欽奉 上諭。豁免康熙三十四  
五六年積欠。既無潛項不蠲字樣。與康熙三十  
四年十二月十七日 恩詔案內潛項並蠲之  
例相符。通詳援例具 題請蠲前來。相應據詳  
題請

再疏題請沐陽等縣缺額人丁九千六百二十  
六丁。山陽縣缺丁銀四千八百三十餘兩。於下  
屆增補

附疏畧 康熙三十五年分編審人丁一案。部覆

沐陽等縣缺額人丁嚴查增補。山陽縣缺丁銀兩仍照原額徵收錢糧。行據布政使詳稱山陽縣康熙三十年編審案內。搜查流寓客丁以及幼丁。盡數增補。俱按戶口大小等則輕重徵收。並無以重改輕。其沐陽等縣缺額人丁九千六百二十六丁。并山陽縣缺丁銀四千八百三十八兩九錢。原請於康熙三十五年審補。因疊被水災。即見在人丁。幸蒙發粟賑救得以苟延。而向來欠缺之額。何能取足於災殘之日。應統於下屆增補等情前來。相應據詳具



接上言一語

八月男至應順天鄉試中式第四十九名。十一月丹徒流棍張白雲以邪術惑衆余密諭地方官擒治之其黨遂散。十二月將存貯截留漕糧六萬石撥被災各屬平糶。

三十九年庚辰

余六十七歲。三月請蠲三十六年以前蘆課學租民欠銀兩。

疏畧

江蘇等屬額賦繁重康熙三十八年恭

達聖駕南巡特頒上諭將康熙三十四五

六年奏銷未完民欠一應地丁錢糧米麥豆雜

稅俱著免徵。等因。臣卽頒示通行。曉諭欽遵在案。嗣據江蘇布政司呈詳。各年未完蘆課學租銀兩。亦應一體蠲豁。咨准部文。以上諭內止免地丁。雜稅。仍令催徵。今據布政使詳稱。蘆課銀兩。係蘆洲田畝出辦。歷年徵解。與地丁無異。而學租亦係學田輸納。隨同地丁一疏奏考。均係奏銷未完民欠。從前歷奉恩蠲。俱經一體並免。有例。所有歷徵康熙三十三四五年分民欠蘆課銀兩。并康熙三十四五六年未完學租銀。應行循例蠲。等情。臣查蘆課學租。原係蘆

稿上堂一移寫

洲學地出辦。實與地丁民欠相同。歷奉並蠲有  
例。應否一例邀蠲。俾窮黎均霑實惠。

四月江蘓等屬三十六年以前積欠漕項銀兩  
米麥先請蠲免。部覆未允。復請分年帶徵奉  
特旨。這漕項積欠銀兩。着照該撫等所題。分年  
帶徵。其積欠米麥俱着免徵。

○疏畧

康熙三十八年

聖駕南巡。漢發德

音。將康熙三十四五六年未完民欠。一應地丁  
錢糧米麥豆雜稅俱着免徵。窮簷節屋。莫不感  
頌。皇仁。惟漕項銀米。部覆仍令徵解。行據布

政使江蘇二糧道江南都司會詳內稱江蘇等  
屬節年起運漕糧皆已照額全完惟漕項銀米  
尚有尾欠未清計自康熙三十四年起至今三  
十九年止新糧舊欠六載並徵民力有限實難  
兼顧請將康熙三十四五六年民欠漕項自康  
熙三十九年為始分年帶徵等情臣查從前漕  
項積欠歷蒙聖恩分年帶徵今康熙三十四  
五六年一應地丁錢糧已荷全蠲而漕項民欠  
部費仍令徵解在小民疊受皇上蠲恤之恩  
分宜勉力輸將但新糧舊欠六載並徵不無顧

接上堂一稿寫

此夫彼之處。况江南賦重。小民完新不能輸舊。  
拮据情形。久蒙 聖明洞鑒。茲據該司道詳請  
分年帶徵。以紓民力。前來。臣仰體 皇上如傷  
之仁。用敢據詳具 題

五月。江寧府學向貯二十一史板。漫漶殘缺。余  
倡捐修補。頓還舊觀。八月。淮揚二屬海州山  
陽清河桃源宿遷睢寧沐陽安東贛榆鹽城高  
郵泰州江都寶應興化等十五州縣。三春靈雨。  
仍罹水災。先已疏請蠲賑。比奉 特旨會同總  
督阿公前往松江會勘青龍港海口。至是事竣。

即往淮揚親行督賑而邳州徐州沛縣蕭縣碭  
山五州縣并徐州衛入秋霖雨連綿山水驟發  
湖河泛溢秋禾滄沒先報夏災之海山等十五  
州縣田地多未涸出復請蠲恤前後共照例蠲  
銀五萬六百七十餘兩賑過饑民三十四萬七  
千五百三十五口共用米十一萬一千五百六  
十餘石

丁未夏災請賑疏畧淮揚二屬連年疊罹水患蒙

我皇上如天之仁屢次破格蠲賑截留漕米

減價平糶今歲海州山陽安東鹽城高郵泰州

江都興化寶應等州縣衝地。丁漕糧漕項。又奉特恩全予蠲免。而邵伯等處決口已經堵塞。臣經節次飭行司道府州縣等官。加意撫綏。并查凡有涸出地畝。勸諭小民及時播種去後。今據江蘇布政使詳稱。海州山陽清河桃源宿遷睢寧沭陽安東鹽城高郵泰州江都寶應等州縣。今歲三春霖雨連綿。幸立夏以後。天氣晴霽。決口堵塞。高阜之區。水已消退。栽種秋禾。其有地勢稍低。漸次涸出者。亦經補種雜糧外。惟窪下之處。尚多積水。至興化一邑。居高實之下流。地

形最低。上年水滄田畝。至今一片汪洋。夏麥秋  
禾。俱未播種。又新被水災之贛榆縣地方。自春  
徂夏。連旬大雨。山水驟發。二麥被淹。見今水未  
消退。西成無望。災民乏食堪憐。籲請拯恤前來。  
相應據詳 題報。惟是淮揚州縣疊遭水患。與  
尋常偶被災傷者不同。現今失業飢民。餬口無  
資。亟須賑濟。但該屬連年發賑。本地積儲米穀。  
俱已動支。即有續收捐項。亦屬無多。不敷應用。  
合請將江蘇等處。收存例捐米麥穀石。酌捐水  
腳。運赴被災地方。賑濟三個月。仍照見開捐納



米穀事例。收捐還項。至發賑事務。臣應前往淮  
揚。躬親督率。務使災民均霑實惠。以副我  
皇上愛養斯民至意。

7 秋。災請賑疏畧。淮揚等屬。邇年頻遭水患。今歲

海山等州縣。又二麥無收。經臣會疏。題報。復

荷。俞允。動支各屬積貯米麥賑濟。臣見在往

來被災地方。督率放賑。乃邇徐等處。又詳報秋

災。批據布政使都司詳稱。邇州徐州沛縣蕭縣

碭山五州縣并徐州衛。本年入秋以來。靈雨連

綿。山水驟發。湖河泛溢。所種秋禾。盡付波臣。又

先被夏災之桃源宿遷睢寧沐陽贛榆高郵泰  
州等七州縣。除夏災地畝並未涸出外。其已種  
秋禾田地。亦被水淹。至海州山陽清河安東盩  
城江都寶應興化八州縣。原報夏災田地。見今  
仍多積水。間有涸出。又因裁種還時。不能種植  
等情。相應 題報。惟是淮揚徐等處疊罹災荒。  
歷蒙 聖恩發粟賑濟。今邳徐沛蕭碭五州縣  
并徐州衛。秋禾既被水淹。時已入冬。被災軍民。  
飢寒交迫。應請動支各屬見存捐積穀麥。分發  
賑恤。至原報夏災之海州山陽清河桃源宿遷

陽上堂一移寫

雖寧汴陽安東贛榆鹽城高郵泰州江都興化  
實應十五州縣。見今奉旨賑濟三個月。災黎  
已餬口有資。但前報積水未盡消退。難施耕耨  
而補種秋禾地畝。又被淹沒。民生困苦。尚應酌  
量續賑。所需賑糧。均于各屬捐積米麥動用。仍  
照常平倉捐納米穀事例。收捐還庫。

九月緝獲江洋積年鹽梟孔文泰具題審結  
余督賑暇撰紅橋詩一卷。十二月因刊補  
施注蘓詩竟於十九日坡公生日懸公笠屐圖  
於小滄浪率諸生致祭賦詩紀事。恭遇

覃恩。肇以加三級。贈曾王父鄉飲公。王父福山公。皆光祿大夫。贈曾王母田嫡玉母張生王母丁生母趙及室葉氏。皆一品夫人。肇授光祿大夫。四十年辛巳。

余六十八歲。凡月孫品金生致出。十一月。筠娶婦合肥李氏。大學士文定公天馥女。

四十一年壬午。

余六十九歲。七月疏陳錢糧逋欠之由。請酌定勸懲之法。經九卿會議奉。

旨俞允。

附疏畧錢糧恭罰固有一定章程而因地制宜

尤須斟酌蓋善江南係財賦重地蘇松常鎮尤  
爲繁劇州縣歲徵銀米自數萬以至二三十萬  
不等每至奏銷年限非不加以意嚴催而經徵經  
督各官降調接踵推原其故雖因糧額繁多亦  
由定例寬嚴尚須斟酌也查定例內署印官經  
徵錢糧欠一分至二三分者止于罰俸夫蘇松  
等府州縣糧額最重應徵一分即有銀米一二  
萬不等應徵二三分即有銀米三四五萬不等  
今定例欠三分以上者止于罰俸署官明知未

完之議處既經。因循墮慢。以致積欠愈多。請將  
署官處分之例。酌量改重。如欠至三分以上者  
降一級調用。庶署官知所凜惕。而掛欠自少。又  
定例內催徵地丁漕項錢糧。初泰未完一分以  
上者。年限內雖有續完。不另作分數。仍照原泰  
未完一分以上。降三級調用。夫蘇松等府州縣  
初泰欠一分以上者。大率未完銀米有一二萬  
不等。年限內。既催徵完至八九厘。未完止有一  
二厘。而定例仍照原泰之數議處。則凡初泰一  
分以上之官。年限內既不能徹底清完。即有續

完。又難逃例議。坐聽泰處。諸事懈弛。以致舊欠  
難完。請將年限處分之例。酌量改輕。其初奉未  
完一分以上者。年限內果能徵完八九厘。止有  
未完數厘。即照未完不及一分降級留任。再限  
督催。庶各官顧惜功名。咸思勸輸完解矣。前任  
督臣范承勳題爲接徵考成等事一疏。已蒙  
皇上准將接任官年限內。徵完分數扣除。改照  
實欠分數議處。今經催總徵官。仰遵寬典。與  
接任官一例改照實欠分數議處。不特各官  
勉思奮催。科益力。且免正署迭更。錢糧愈致混

楊上言一松寫

清·實有裨於催徵之法·匪淺鮮也

八月余監臨鄉試場前大收拔實應王方若式  
丹第一場中擬元後改第六明年連掇會狀兩  
元人豔稱之男筠應河南鄉試中式第五十  
八名兄月河工告成

允河臣張鵬翮疏請親臨閱視指授善後方畧肇聞  
命恭迎境上嗣奉諭暫停奉巡遵旋署十一月孫  
華金娶婦柘城實氏檢討克勤女男筠婦李氏亡

四十二年癸未

余七十歲口正月初九日自吳門登舟迎



駕口一十八日至山東鄒城縣口二月初一日子

時內務府營造司郎中佛保到鄒口傳

上諭巡撫宋犖有年紀的人不必遠接着回宿遷  
祇候時將軍督提諸臣已先往前途辰刻臣犖  
同安徽巡撫鹽院總兵及司道諸臣於鄒城北  
五里墩跪迎

聖駕

上乘馬

皇太子口四貝勒口十三阿哥隨行

上望見臣犖向

皇太子云此即宋肇向臣云爾多少年紀對

云臣今年七十

並微笑向

皇太子云還健申刻村舍進膳

賜臣筭迎駕各官御饌

駕將行一老年侍衛詣臣曰公宋巡撫耶余名鄂

羅年六十八

世祖朝侍衛與公同事守

孝陵多年今扈從南來

上命與公相見因握手話舊言貌依稀辨之

上乘馬方行。鄂羅趨進覆。口旨。

上為欣然。口初九日。

駕幸金山。

命江南二巡撫暨現在扈從各官赴江天寺彌勒殿觀。口御書時將軍副都統提督諸臣同至。

上南面據案陳設筆研綾紙。

皇太子。口西貝勒。口十三阿哥侍。

上命臣肇作字。臣奏。臣幼學書未就。並仕多年草草批判。絕不成字。偶作署書及牋牘。憚令。臣子

軍機處曾於三十八年啟奏過今

夫類咫尺愈愧悚不能搦管安徽巡撫喻成龍亦  
以不善書對提督張雲翼書

帝德如天四字臣等奏云

皇上御書日月也臣等熾火耳恭請

親灑宸翰俾臣等跪觀有萬其幸

上領之遂草書程穎雲淡風輕一絕又行楷用黃  
庭堅體書前詩一過又行書翠生拳石草香散  
膽瓶花一聯

命

皇太子 西貝勒 十三阿哥書

皇太子書雲裏帝城雙鳳閣一聯 西貝勒書

潮平兩岸闊一聯 十三阿哥書綠野明斜日

一聯 臣犖等奏云我

皇上御筆集書學大成高出從來帝王之上非臣  
下贊頌所能盡

皇太子 西貝勒 十三阿哥仰荷

皇上指授筆法咸入鍾王之室 臣等於名山勝地

恭逢

聖主揮毫允為曠代奇觀伏乞

天恩頒賜墨寶臣肇復奏云昔宋臣范成大蒙宋孝宗賜石湖二字奕世傳為美談在孝宗不過南宋偏安之君我

皇上乃堯舜之主相去霄壤臣功業雖不及成大然遭逢之盛不啻過之臣家有別業在城西陂乞

皇上賜臣西陂二字壓倒成大不令獨有千古

上云此二字頗難寫臣對云誠然臣常求之善書

者多不能書刑部尚書王士禎與臣同學常云

此二字倘得

御書方爲不朽盛事。臣下情不勝顙望時。諸臣競進求書。臣奏云。臣老矣。以齒當先。賜臣。

上笑云。朕本好書。爾求之甚力。且爾七十歲人。朕不忍卻走筆作西陂二大字面。賜臣。臣叩頭祇受。

上還行宮。向侍衛云。宋肇啓奏是有學問。口氣少頃。命侍衛海青將西陂字取入。重書一過。賜臣。復賜御製元旦七言律詩一幅及素饌。十一日抵蘇州。

駐蹕織造衙門。吳縣人倪喬監生江弘文獻詩。

上命大學士張玉書祭酒孫岳頌暨臣肇全閱覆  
奏。臣等奏云弘文詩雖未成。青年可造。喬用韻  
雜亂。上命發還。賜將軍督撫提鎮一御饌  
此後

駐蹕蘇州諸臣每日兩蒙賜饌。臣肇又蒙

特賜御饌一次。又

特賜御厨點心八種。十二日

賜臣肇御製虎丘詩一幅。

御製督撫箴一幅。

上諭云爾在此做官多年。安靜和平。特以賜爾。



虎丘詩中意爾會得麼臣肇奏云臣至愚極陋  
承乏此地多年毫無善狀蒙

大語褒獎感愧無地伏讀

御製虎丘詩仰見我

皇上敦樸戒奢移風易俗一德意流露行墨間臣

不才敬當奉揚

仁風聿觀

聖化

臣肇恭進

萬壽詩七律百韻一冊竝進家藏書畫數種蒙收  
萬壽詩及書籍墨蹟六種又進

皇太子蒙收書畫五種 十三日

賜臣肇哈密瓜三個哈密瓜乾一盤西域六稜葡萄一株西域公領孫葡萄一株

駕幸浙江傳

昔巡撫宋肇免隨一駕 十六日赴平望接

駕 二十日丑時

御舟過平望午刻

駐蹕織造衙門 臣肇奏為糙米折價維艱荒田開

墾匪易謹具摺奏仰祈

聖裁事奉

爾

昔回鑾後具奏蒙頒發

御製詩二集 命臣肇照式刊刻 〇二十一

日

賜臣肇

御書清德堂額又 命臣撰官歲三命淳家

學一經傳對聯並書以 賜又 賜關東

羊二牽奶子酒一瓶鹿肉乾二種鹿舌鹿

尾魚乾風羊肉糟雞等物

命督撫藩臬各將藏書目呈覽時督藩臬諸

臣皆無臣肇進西陂藏書目一冊計數萬

卷

上覽過云今日冗甚不及細覽可暫發還

三十二日

上命隨

駕各省督撫以下州縣以上各官俱寫字

進 口呈大學士馬齊張玉書監閱昨

駕幸浙江臣等蒙優老一殊恩命於吳

門祇候敬賦一律即書以獻隨刊續奏

一幸南邦翠蓋華芝泛大江吳越韶光

開華路湖山秀色入船牕 口湛恩汪濊康衢頌

膚藻繽紛藝苑降白首重蒙

優詔及自憐遭際近無雙

上覽過將各督撫及江蘇布政使劉殿衡所書發  
內閣存案餘俱發還諸臣求

皇太子書

臣

肇蒙

賜恭臨

御書唐句一幅

上

二十三日

臣

肇蒙

召至行宮別殿

上據案東向

臣

跪

口

御座傍北向

上命近前云

巡撫氣色很好

臣

對云

臣

蒙

皇上天恩眷注

臣

氣色自當好

上云巡撫有何養生秘術臣對云臣竝無養生秘

術

上云氣色何以如此好臣對云臣幼多病因而慎

起居節飲食中年病少減晚年頗覺清健風水  
之說或有之臣曾祖暘年九十有四黃髮兒齒

族人常有壽至八十九十者臣叔森今年八十

五起居飲食如常臣蒙

天語垂問或多活幾年未可知

上哂之又問爾服何藥臣對云服八味地黃丸六

君子湯又問用人參否臣對云用人參多不過

三錄

上顧太監李玉云。取好人參賜與。

上云。爾爲巡撫。朕不會聞人說爾有異樣好處。自江西調任以來。安靜和平。且蘇州何地。十二年。中未嘗多出一事來。朕到此。無一人說爾不好。爾真是好官。深得大臣之體。臣對云。臣生明末。中原大亂。八歲陷賊中。匿一蘆席下。賊以鎗刺。席颯颯有聲。幸不及臣。是天畱臣爲。

聖朝犬馬也。順治四年三月奉

上諭。諭吏兵二部國家當開創之初。文武大臣俱

為國宣力在京三品以上在外總督巡撫提督  
總兵各送親子一人入朝侍衛察試才能授以  
任使時臣父權官國史院大學士臣年十三遵  
諭入侍曾記一日侍宴中和殿蒙

世祖章皇帝賜臣珍果十二盤臣叩頭謝恩畢  
取一二品置懷中

世祖望見問曰爾意云何臣對云臣祖母丁今年  
政七十臣將携歸與臣祖母嘗之

世祖聞而色喜云此後任爾携帶臣祖母及舉家  
蓋終歲飽一天厨也臣幼蒙



先帝恩遇如此。及臣之壯也。蒙我

皇上破格簡拔。敷歷中外。濫膺旄節。今又得瞻覲  
皇太子。臣何人斯。遭逢之盛。無以加矣。臣昔在  
江右四載。不過潔已率屬。毫無建樹。蒙

大恩調撫江蘇等處。臨行。萬姓遮畱。雨泣。臣亦淚  
下。霑襟。即今江右人過臣家。必望門下拜。臣家  
人偶過江右。餽遺飲食不絕。足見江右人情之  
厚。臣初至吳門。人多不信。浪傳臣被盜失金珠  
甚多。後臣奉

命同吏部尚書熊賜履兩江督臣傅臘塔赴淮安

查堤壓河占地畝二臣偶以此事問臣臣不勝  
愕然迨歸署適值講鄉約之期臣遂於公所笑  
語士民云昨聞此間喧傳本院失去金珠請與  
爾士民一熟計之若係家間金珠何必携來署  
中收藏若係吳門屬官所餽或在一二年後猫  
鼠同眠亦未可定乃本院蒞任方一月無向屬  
官索金珠之理即索亦未必敢送是此金珠必  
江右物矣何以江右之民愛本院之深耶衆爲  
笑謝今十二年之久皆深信與江右無異兩淮  
鹽商每年陋規餽巡撫萬金臣自江右至今計

十六年。舉未受。各關差有應餽五千金。或三二千金。臣俱不受。細緞食物間受之。司道亦然。近苦無柴。擬向知府要此。臣實情也。若布衣疏食。臣舊家子有所不能。臣不敢自欺以欺

皇上。

上笑云。朕皆知之。

上問地方官某某。臣俱以實對。又問蘇州知府何如。臣對云。知府石文煒係三十八年

皇上南巡前督。臣張鵬翮與臣面奏蒙臣恩陞授之員。到任來實心任事。頗為稱職。今日閱邸抄。

文焯以盜案降一級調用業經奉旨惟是文焯有加二級不知部臣何以未曾抵銷臣請

皇上寬恩畱任庶於地方有裨

上云爾即具摺子來臣奏云臣今年七十原擬疏請休致因聞

聖駕南巡故中止恐致仕後不能再覲

天顏也今臣仰瞻之願已遂欲懇

天恩放歸林下伏候旨愈允以便具疏

上云爾精力尚健不必陳請臣對云貪位慕祿人

臣所戒但既蒙

皇上如此弘恩。臣何敢復請。謹電勉供職。或一年。或二年。實實衰憊。再當疏請。倘遺悞封疆。臣罪滋大。至任子為近世所輕。

皇上用臣。原屬非常曠典。

本朝國史。自當明書某年月日。

上以宋肇為巡撫。臣惟冀某年月日。宋肇致仕去。俾臣為。

聖世完人足矣。語云。行百里者半九十。蓋言晚節末路之難也。臣在江右。曾寄一緘與臣妻。臣妻駭甚。曰。家間有之。何庸此。臣子至。舉人赴京會。

試會於三十八年蒙

皇上垂問。又子致姪起。皆候補道員。幼子筠。原大學士李天馥之壻。亦舉人。赴京會試。皆頗知自愛。不事奢華。臣妄取何用。若埋多金於地。自喪生平。臣不爲也。臣曾伯祖縵。謚莊敏。爲明吏部尚書。與海瑞齊名。臣祖沾。爲山東福山令。頗有遺愛。至臣父權。官愈大。心愈小。家訓最嚴。臣每荷

皇上一番寵眷。即加一番凜惕。不但以負朝廷。爲懼。兼以負祖父。爲懼也。臣蒙

皇上高厚隆恩。不啻家人父子。用敢披瀝至此。

上微哂首肯。臣奏畢趨出。方至戶外聞

上語侍臣云。巡撫啟奏甚好。即刻侍衛海青五十

太監李玉捧出貂帽一頂。團龍緞袍褂一襲。人

參三觔

賜臣。臣昨曾求眼鏡。今五十捧出綠端玻璃眼鏡

一枚。竝賜臣云。

上以備用者不佳。即以

上所現佩者賜爾。皮套上用金絲繡四篆字粧飾

精絕。允為奇珍。臣隨行三跪九叩頭禮謝

恩祇受訖。男至會試中式第一百十八名。三

月初二日

回鑾過淮安。初四日

上自高堰閱工回舟泊清口進膳。賜督撫一御

饌。初七日黎明過夏鎮辰刻江南文武各官

於梅林間跪送

聖駕

上停舟。命將軍鄂羅舜督臣阿山。漕臣桑格登

舟面加訓諭將軍漕臣退

命臣聲及安撫喻成龍登舟。臣等以次跪



御座前。

夫顏和露云朕此番南巡看江南風景比三十八年大好了。臣等奏云江南地方屢蒙

皇上破格優恤元氣漸復萬民感戴

天恩大有熙皞氣象

上云督撫大吏只要安靜和平。地方便受福。桑格原無異常才能。却安靜和平。深得大臣之體。如自負清廉。遇一小事。便搜求無已。民何以堪。宋犖久任劇地。亦安靜和平。民心悅服。深得大臣之體。喻成龍才品最優。但要戒性子為主。臣犖

等奏云臣等蒙

皇上如此優容訓誨敢不刻骨銘心仰答

高厚

上問一二屬員臣山華俱以實對又問海州知州陳鵬年居官何如臣華對云居官好

上又云從前漢軍督撫題叅多係漢人漢人督撫題叅多係漢軍這都偏了以後總要從公凡經朕簡用或薦舉之員一有改操即當糾劾不可寬假臣等對云

天語仁至義盡臣等敢不凜遵臣等退於河干跪

送

御舟北上 十七日旋署具奏謝

恩撰迎

鑒二紀恭製

御書匾額分懸官廨里第將各種

御書摹勒上石奉歸家中貯

御書樓自有記 四月男至殿試二甲第三十六

名賜進士出身 疏陳減存米石折價過昂

懇准本色搭運

附疏畧 蘇松常三府白糧向係雇船裝運全書

編載。每年運船飯米一萬七百餘石。後因白糧抽撥漕船載運。將此飯米裁存停給。原議照依折給兵米之例。每石折銀七錢五分。部覆照依改折白糧事例。每石一兩五錢。又江蘇等八府州屬漕糧。向例不分正耗。每石俱給贈米五升。以供旗丁盤剝耗費之用。康熙二十六年間。部行耗米不准給贈。計每年有減存五米二萬餘石。行今折解。定價每石一兩二錢。但此二項米石。原係編徵糙米。江南米價。歷年不過七錢上下。今部定飯米一兩五錢。五米一兩二錢。較諸

市值倍昂。經徵之官。既不敢違例折徵。又苦于無力賠墊。前于康熙三十六年十二月內。經總漕臣桑格會同臣等具題。請將康熙三十五年以前之米。本色搭運。部覆應如所題。奉旨依議在案。其康熙三十六年以後。部覆仍令折銀解部。州縣難堪賠累。以致已完在倉者。積久霉爛。未完在民者。因循不吐。反滋拖欠。合無仰請聖恩。俯將康熙三十六年起。至四十一年止。減存五飯二米。照依三十五年以前成例。仍以本色分年搭運赴通。其四十二年以後。按年

據上宮一核寫

隨漕帶運永著為例俾州縣無賠累之虞京倉  
收實用之章

口徐州睢寧二州縣上年復被水災所有積欠錢  
糧萬難並輸疏請帶徵以寬民力奉

特旨徐州睢寧縣三十七三十八三十九三年未  
完地丁錢糧俱着免徵其邳州四十年未完錢  
糧亦着免徵共免銀二萬八千五百二十兩零  
米麥一千六百五十石零

男至

欽授翰林院庶吉士當引見時

上援筆注視至啟奏臣為江寧巡撫臣聲之子

上欣然點定。臣家三世蒙恩。其將何以圖報。惟  
鏤刻寸衷。矢之奕世而已。六月蒙頒發  
皇輿表一部。照式刊刻。十八日織造臣李煦傳  
甘南方溽暑。非動清風不能解也。巡撫宋華朕南  
巡二次。謹慎小心。特賜御筆書扇二柄。即傳于  
宋華。不用寫本謝恩。以後有奏之事。密相交與  
爾奏。欽此。拉賚到玉鑲檀香股金面官扇一柄。  
一面御筆臨董其昌書玉帳山銘。一面舊畫  
青綠山水。又紫檀股金扇一柄。一面御筆書  
示諸臣省刑愛民詩。一面畫花鳥。臣叩頭祇受。

竊念臣庸劣無似重荷

大語褒嘉感愧交并又蒙

賜御筆書扇仰見我

皇上詩兼風雅書駕鍾王臣什襲珍藏世世永寶

謹遵 旨具摺謝 恩訖 刻迎 口鑒集一卷

口疏陳淮揚版荒地請寬限起科

口附疏畧 淮揚二屬並城高郵泰州興化寶應五

州縣及歸併鹽城所康熙四十年冬勘報仍洪

版荒地屯田地部覆於四十一年冬委官踏勘

如有涸出題報起徵隨經飭行司道勘報臣復



加體訪。各屬渰田。漸次涸出。但沉沒日久。草根  
固結。耒耜難施。且原主已不可問。必須寬限起  
科。庶可招徠開墾。當于 聖駕南巡時。具摺  
奏請。奉 旨回鑾後具奏。欽此。臣查淮揚二屬  
水渰田地。如有涸出。向例于三年後起科。續經  
部覆。照暫荒田地之例。于次年起徵。惟是前項  
渰田。自康熙七年。河決衝渰。至今三十餘載。始  
行涸出。非暫荒地畝。易于墾闢者比。況查墾荒  
事例。從前定于三年之後起科。嗣蒙 聖恩。寬  
至六年起科。即今蘇松等屬。荒田復熟者。俱照

樓上堂一錄

例于六年之後起徵。此案田地荒蕪年久。必須倍費工本。方可冀其成熟。合懇 睿慈。俯將見在有人認墾之田。定限三年之後起科。其無人承墾酒田。容俟再行招徠墾闢。照依見在墾荒之例。于六年後起徵。俾小民樂于承墾。感頌皇仁無極。

題報淮徐二屬邳州宿遷睢寧徐州豐縣沛縣蕭縣碭山縣並徐州衛夏被水災。照例請蠲錢糧。並請賑濟兩月。七月山陽縣民張年等。以田在湖心事叩。聞請豁淮南陰北兩鄉涂田。

錢糧余查明請豁。只月部覆准徐二屬夏災一案奉

特旨。邳州等處屢被災傷不減于東省。但有水路可通。着該督撫親往察閱。應作何賑濟之處。一面賑濟。一面具奏具題。到日將豁免錢糧另議具奏。臣欽遵。星馳會同督臣察閱。鹽城知縣鄭鼎誣良民陳三卯子等十人爲盜。余親審昭雪。特疏題奏革職究擬。只月題報准徐二屬邳州清河桃源安東徐州並徐州衛秋被水災。照例請蠲錢糧。又邳州宿遷睢寧徐州豐縣沛

縣蕭縣碭山縣先被夏災今復被秋災除於夏  
災案内請蠲外餘銀無力輸將俱望蠲豁口會  
察准徐一案余與總督阿公於各州縣鄉村逐  
加細察雖均被夏秋兩災其中原有輕重不等  
查邳州徐州沛縣被災爲重宿遷睢寧豐縣蕭  
縣碭山縣被災稍輕清河桃源安東止被秋災  
今議邳徐沛三州縣發賑七個月宿遷等五縣  
發賑六個月清河等三縣發賑五個月徐州衛  
災田散在各州縣者歸州縣彙賑自下委官一  
槩先賑三個月餘俟明歲正月專委道員督同

米

原委官續賑所需賑糧督撫鹽院司道權關及  
鹽商共捐穀十四萬石其餘於府州縣收捐米  
麥內撥用再邳徐睢三州縣先奉 諭令總  
河拯救隨經河院具題應否歸併督撫賑濟現  
在候 旨各州縣衛應免錢糧奉有另議具奏  
之 旨應候部議至漕糧漕項米麥豆俱于十  
月初開徵被災軍民現今賴賑餉口其漕糧等  
項勢難催比應請于四十三四兩年帶徵 旨  
月恭聞

皇上巡幸秦晉經臨中州

臣

因徐豫接壤具疏迎

駕十九日過里門一宿而行旋於開封府接

旨不必前來迎一駕即日返轡過西陂匆匆上塚  
畢皇馳南下顧瞻西陂烟水低徊不能去即骨  
肉聚首親戚情話俱不及一展為之悵悵口十

一月途次接部文准徐二屬邳州等十一州縣

衛夏秋二災照例蠲銀三萬八千七百兩零邳

徐睢三州縣奉 旨亦着督撫賑濟隨會同總

督復察一體發賑計賑過饑民饑軍四十九萬

九千七百十六名口用穀四十三萬四千九百三十三石零

十二月回署 口男筠繼娶寶坻劉氏忝議殿邦

女口再疏陳淮揚版荒田地請寬限起科

附疏畧

淮揚二屬康熙四十一年冬勘報高郵

泰州興化寶應四州縣酒出版荒淞田部復今  
照暫荒之例丁銀于四十一年起徵田地錢糧  
于四十二年一起徵臣查此案田地康熙三十四  
年報酒者雖經部議照暫荒之例起徵錢糧但  
仍存淞田又歷多年積年愈久荒蕪更甚今雖  
勘酒勢必竭力招墾以冀成熟輸賦似難照暫  
荒例起徵臣于今春聖駕南巡時曾經具摺  
奏請在案合再仰懇 睿慈俯將現在有人認